

utero sanctificaram; sed sanctificatio supponit contractionem culpæ: ergo ex his Parribus non fuit B. Virgo ab originali culpa præservata. XII. Origines homil. 8. in Leviticum ad illa verba: *Mulier quæcumque susceperit semen, hæc scribit: Mulier si conceperit semen, & peperit filium: sed esse exceptionem, mysticam, quæ solam Mariam a reliquis mulieribus segregaret, cujus partus non ex conceptione seminis, sed ex præsentia S. Spiritus, & virtute Altissimi fuit &c.* Et paulo infra: *Sed & ipse, qui nascitur, sive virilis, sive femineus sexus sit, pronuntiatur de eo Scriptura, quia non sit mundus a sorde, etiamsi unius diei sit vita ejus. Et infra: Quod si placet audire, quid etiam alii Sancti de ista nativitate senserint, audi David dicentem: In iniquitatibus conceptus sum, inquit, & in peccatis concepit me mater mea, ostendens, quod quæcumque anima in carne nascitur, iniquitatis, & peccati sorde polluitur, & propterea dictum esse illud, quod jam superius memoravimus, quia nemo mundus a sorde, nec si unius diei sit vita ejus. Insuper hom. 12. quæ est de magno Sacerdote: Omnis, qui ingreditur hunc mundum, quadam contaminatione effici dicitur. Propter quod & Scriptura dicit: Nemo mundus a sorde, nec si unius diei fuerit vita ejus. Hoc ipso ergo, quod in vulva matris est positus, & quod materiam corporis ab origine paterni seminis sumit, in patre, & in matre contaminatus dici potest. Aut nescis, quia cum quadraginta dierum factus fuerit puer masculus, offertur ad altare, ut purificetur ibi, tanquam pollutus fuerit in ipsa Conceptione, vel paterni seminis, vel materni. Omnis ergo homo in patre, & matre pollutus est. Solus vero Jesus Dominus meus in hac generatione mundus ingressus est, in Matre non est pollutus. Ingressus est enim corpus incontaminatum &c. Denique homil. 5. super librum Numerorum ait: *Qui enim solus Christus est sine peccato, qui peccatum non fecit, idcirco in ipso solo mansit, & permansit spiritus. Si enim ipse est, de quo singulare aliquid, & eximium dicitur, hoc, quod supra diximus: Quia peccatum non fecit, constat reliquos omnes fuisse sub peccato, si omnes, necessario, & Prophetas &c.* XIII. Ex Ambrosio in Commentario super Lucam cap. 2. *Non enim virilis coitus vulvæ virginalis secreta referavit, sed immaculatum semen indiviolabili utero Spiritus Sanctus insudit. Solus enim per omnia exnatis de femina, sanctus Dominus Jesus, qui terrene contagia corruptelæ immaculati parvulus novitate non senserit, & cælesti majestate**

PAR. IV.

depulerit. Denique super Isaiam, qui locutus citatur a S. Augustino lib. 1. contra Julianum, & 1. de nuptiis, & concupiscentiis: *Omnis homo mendax, & nemo sine peccato, nisi unus solus Deus. Servatum est igitur, ut ex viro, & muliere, per illam corporum mixtionem nemo conceptus, expers sit delicti; qui autem expers est delicti, expers est & hujusmodi conceptionis.* XIV. Ex Augustino lib. 2. de Baptismo parvulorum cap. 24. *Non est in filiis hominum, nec fuit, nec erit, qui nullo unquam peccato fuerit obstrictus, aut ad justitiam non ex peccato pervenerit, excepto uno Mediatore, per quem finitis peccatorum inimicitias reconciliamur Deo. Solus ergo ille, etiam homo factus, manens Deus, peccata nullam unquam habuit, nec sumpsit carnem peccati, quavis de materna carne peccati. Quod enim inde suscepit, illud profecto suscipiendo mundavit. Et concione 2. in psalm. 34. *Maria ex Adam mortua est propter peccatum Adæ: Adam mortuus est propter peccatum, & cara Domini ex Maria mortua, propter delenda peccata.* Denique lib. 2. de Nuptiis, & concupiscentiis: *Omnes ex commixtione maris, & femina natos, trahere originale peccatum, eosque, de parentibus quibuscunque nascantur, tandu esse sub diabolo, nisi renascantur in Christo, qui de eadem sexus utriusque commixtione nasci noluit, ut per ejus gratiam de potestate eruti tenebrarum, in regnum illud transferantur.* XV. Leo Magnus serm. 1. de Nativitate: *Nemo ab ejusmodi alacritatis participatione secernitur, una cunctis lætitiæ communis est ratio; quia Dominus noster peccati, mortisque destructor, sicut nullum a reatu liberum reperit, ita liberandis omnibus venit.* Et serm. 2. de resurrectione: *Quod in omnibus hominibus transfusio fuit damnationis, hoc in Christo sacramentum est pietatis.* XVI. Rupertus Abbas lib. 1. in cantica hæc de B. Virgine scribit: *Et tu quidem veraciter dicere potueras, ecce enim in iniquitatibus concepta sum; & in peccatis concepit me mater mea; cum enim esses de massa, quæ in Adam corrupta est, hæreditaria peccati originalis labe non carebas.* Item S. Anselmus lib. 2. cur Deus homo cap. 16. *Licet ipsa Christi Conceptio munda sit, & absque carnalis delectationis peccato, Virgo tamen ipsa, unde assumptus, in iniquitatibus concepta est, & in peccatis concepit eam mater ejus, & cum originali peccato nata est, quoniam & ipsa in Adam peccavit, in quo omnes peccaverunt.* Insuper S. Antonius de Padua in quodam sermone de B. Virgine: *Beata**

D 2

Virga